

Jeeqama ABO muddatee fi madda isaa

ABO fi qabsoon bilisummaa Oromoo jeeqama keessa turuunii fi jiraatuun waan haalamamuu miti. Jeqamni kun, dhokataa miti; ifaa dha; ija keenya dura jira. Akkuma Oromoon yoo makmaaku ijji hin argitu, qalbii dha jedhu, jeeqama kana fi madda isaa qalbiin hubatuun barbaachisaa dha.

Akkuma seenaa saboota addunyaa kamiyyuu, seenaa qabsoo bilisummaa Oromoo keessa yeroon gaddaa fi gammachuun yaadatamtu jira. Qabsoo bilisummaa keessattiis ta'ee, ykn qabsoo jireenya hawaasummaa keessatti, sabni tokko yoo waan saganteefate tokkotti milkawe, ni gammada; yoo milkaawuu dhabe, ni gadda. Barri keessatti milkaawame, gammachuun yaadatama. Akkasumas, barri hammeenya keessatti nama muddate gaddaan yaadatama. Qabsoo bilisummaa Oromoo keessatti waggalee gammachuudhaan bara-baraan yaadatamanii fi gaddaan yaadatamantu jira. Fakkeenyaaf, barri 1973 fi 1976 gammachuun yaadatamu. Barri 1973, bara ABOn bu'uurreffame yoo ta'u, barri 1976 bara ABO qabsoon hidhannoo eegale. Akkasumas, barri 1980 fi 1999 baroota gaddaan yaadataman. Barri 1980, bara hoogganootni ABO ol'aannoon, Hayyuu-Duree dabalatee qabsoo keessatti, bakka tokkotti wareegama qaalii kaffalan ture. Barri kun, gaddaan yaadatama. Akkasumaas, barri 1999, bara gadda ti. ABO jeeqama har'a keessa jiruu fi keessaa bahuu dadhabe, bara 1999 jalqabe. Barri kun, bara ABO hurrii dukkanaatiin marfame. Garuu, Oromootni heddu qayyabannoo itti hinlaatne.

Barri 1999, bara ayyaanlaallatooni aaydiyooloojii fi ilaalcha siyaasaa Itoophiyummaan dhanga'aman ABO weeraran ture. Weeraruu duwwaa osoo hin taane, bara caasolee ABO irraa-jalaan ayyaanlaallatootaan dhuunfatan ture; bara ABO diguun itti fuulleeffatamee fi diigaan eegalame ture. Barri kun, bara Daawuud Ibsaa fi Bultum Biyyoo hoogganummaa ABO dhuunfatan ture. Murni kun, hoogganummaa dhuunfatu duwwaa osoo hin taane, caasolee fi qaamoota ABO hundaa irraa-jalaan bakka furtuu qabsoof ta'an maraa ayyaanlallatoota fi booddesitoota kittillayyoo isaanii kan akka Bayaan Asooba, Leencoo Baatii, Bulaa Atoomsaa, Abubakar Ali Xasee(Odaa Xasee), Licho Bukuraa, Hasan Hussein fi kkfn guutan. Kanaan booda, dhagaraa diigaa qabatani ABO falaxuu, diiguu, miseensoota facaasuu, qabsaawoota mooggeessuu, qabsoo laamshesuu fi dhaaboota Habashaa wajjiin wahilummaa ijaaratuu jalqaban. Hojjii kanatti milkaawuudhaan, bara 2001 ABO bakka lamatti baqassan. Caccabsuun kun, hamma har'atti hin dhaabanne. Har'allee murna/faction garagaraa keessa taa'anii diigaa isaanii itti fuufanii jiru.

Jeeqama hoogganummaan Daawuud Ibsaa fi Bultum Biyyoo bara 1999 irraa eegalanii sadarkaa-sadarkaan ABO fi QBO diiggaan irraan gahanii fi gahaa jiran Chaartii/Chart armaa jalaan mul'isuun yaalamee jira. Chaartiin kun, sadarkaa ABOn ittiin caccabsamee fi har'a illee ABO keessa jiru mul'isa. Jeeqama kana, Oromootni heddu barruu garagaraatiin ibsuu yaalaa turan; ammallee yaalaatuma jiru. An gama kootiin, karaa Chaartiin ibsuu filadhe. Chaartiin kun, jeeqama ABO fi QBO irraan gahamee fi gahamaa jiru akka salphatti akka namaaf galutti ibsa jedheetiin amana.

Hogganummaa Dawuud Ibsaa
fi Bultum Biyyoo Bara 1999-2015

Bara 2000 Ajanda nagaa (Peace Agenda) ABO bakka lama tii baasee

Bara 2001 ABO QC

Bara 2001 ABO SG

2002 Yaallan Shanachaa
Jarsumma sabaaba Dawuud
Ibsan ttiin fashallee

bara 2002 tokkumman ULFO bara
2000 ibsame sabaaba Dawuud
Ibsan akka hojji iraa hin ollee
ta'ee

2003 WBOOn Ajjajja H/D tiin biyya
Eretria irra ka'ee garaa Somaliattii otto
deema jira harka diina seene





